

Efesus

¹ Ëta, Kótóné ama kisipa mole ala sya furaalu, Yesu Kerisoné fo eråle fae yóló doteyale whi *aposel* Pol-né dapó. Yålo i dere aşeta, diå Efe-sus be huluamó Talené kae sóró betero betere so whi Yesu Keriso tuamó bitu, ama ala eró tare so whipaae dapó. ² Ðané Aya Kótóro dá teteróló kaae tare whi Yesu Kerisotamoné håle hamokoróló tao sere alaró hosaa muni deyóló mo dua betere alatamo diå tuåpaae erópóló yae.

Keriso tuamó betepa Ðei Kepe Wisiné håle mótu betere ala

³ Ða teteróló kaae tare whi Yesu Kerisoné Alima Kótóné dá hepen bemó naalema tuamó betepa kilitu, ama hepen be tuamó muó mole wisi wisi ala ðané kepe bete tuåpaae eró betera-pó. Atérapa, Kótóné ama doi betå hale sóró horótu betae. ⁴ Ti noatepae, i haeró yó mole qlatamo aleyaai teópatei, dá ama keletómó me dowi alakélé ini, mo kae so whi beteropóló, dá ama so whipóló sókó sóró Yesu Keriso tuamó beteralepó. ⁵ Atéreteita håle meipó. Ða betaaipatei dåpaae yaala sókó furaalu, ama ksipané yaaire ala håsókó feni, motoró dokonóturaalu, Yesu Kerisoné yale alanétei, dá Kótóné ama naale senaaletóro aleróló beteraaire ala ama taketitei tukóló munélipakalepó. ⁶ Ða atéro ama yaala sókó fale naale tuamó betepa, ama mo kae ere de fåane hamokoróló tao sere ala dåpaae håle meló betereiteiné, ama doi betå

hale sóró horótu betae. ⁷⁻⁸ Dá ą tuąmó betepa, Kótóné ama hąle hamokoróló tao sere ala mo ti ąaneteiné, ąané yale dowi alamó melaai yale kwia ama tokóló aluróturaalu, ama ąakené ąa dupuróló beteralepó. Ai ala tómó tuę tiki fosó fosóre alaró fo bete diriyóló tuę dere alatamo mo turó melalepó. ⁹ Atéro, ama eraai kisipa mole ala kinóló moletei, ąané kolóló tuę yópoló hąkeamó yó melalepó. Ai yó melale alarape mené ąpaae yae yóló sęni, mo ama kisipa mole alatóró naalema Yesu Kerisoné erópoló yalepó. ¹⁰ Ai alarape teó erótu bitutei, ama eraaire ala fea eraté fóló kemerąle furaalu, ama tukóló mulale sukamótóró ó hepen bemó betó mole so whįró i haemó betó mole so whįtamo fea betąpaae touróló, betą topo whįnétoró tęteróló kaae tapa, ą aąmó beterópoló eraalopó. Ai sekęta, ti Yesu Kerisotórotípó.

¹¹ Dá ą tuąmó betepa, ama sókó sóró kae beteró betereteita, hąle meipó. Mo taketi fea ala ama mo eraalopó yóló mulaletei motóró dokonóturaalu, ąa mo ama naale senaaletóró beteraai tukóló mulalepó. ¹² Atéyaleteita hąle mei, Yesu Kerisoné ąapaae wisi ala eraalopóló, folosóró ąpaae kisipa tiró betere so whį ąa mepaae so whįné kilitu, Kótóné ama kae ere ąę wisinaale erapa ke-lae, yóló ą dukirópoló erótu beterapó. ¹³ Dią aluyaąsóró tao saaire mo bete mole fo wisi wosetepa, Kótóné diąkélé ąatamo touróló Yesu Keriso tuąmó beteralepó. Ti ąpaae kisipa tiki tiratepa ama so whįpóló, diaaą tikimó mo dirii siri mulóturaalu, ama melaalopóló tukóló mulale

Dɛi Kepe Wisi mo melalepó. ¹⁴ Ai Dɛi Kepe Wisi melaletaita, take Kótóné dɛpaae wisi ala mo eraalopóló kisipa muópoló melalepó. Kótóné ama dupuyale so whi mo wisiyóló betaaire tikipaae dapesó faai hɛle betepa, kale Dɛi Kepe Wisi dɛtamo hɛle betótóró tawaalopó. Tépa, so whiné ai ere ala fea kilitu, ita Kótóné mo kae ere dɛ wisinaale erapóló, ama doi doasi mulaalopó.

Pol-né Talepaae mo kée yóló moma yale ala

¹⁵ Atére betené diɔ Yesu Kerisopaae kisipa tiki tiró bitu, Kótóné ama kae beteró betere so whipaae yaala sókó furaalu, wisi ala erótu beterapó depa yɔlo wosalepó. ¹⁶ Atéyale sukamó kaae sóró, Talepaae mo kée yóló, yɔlo diámó momaraté wou betere ala kisipa keteréni, miókélé hɛle yó tarapó. ¹⁷ Yɔlo diámó momarótu betere ala i ape. Dɛ tɛtéróló kaae tare whi Yesu Kerisoné alimata, mo kae ere dɛ fɛane Kótó beterapó. Atére Kótóné diaaɔ kepe tuɔpaae fosó fosói ala eróo, kinó betere ala hɛkearóo, yópoló momatu beterapó. Aita hɛle mei, ɔ etei kaae Talepóló diané kisipa deté fópóló dapó. ¹⁸⁻¹⁹ Yɔlo momarótu betere ala me i ape. Kótóné ama ere dɛ diaaɔ hosaa tuámó daale kelené kolópóló dapó. Take diɔpaae eraalopa ape yóló bope yale ala wisi diaaɔ kelené diriyóló kolóló tuɛ yóo, take ama dɛ tuámó betaai dape saalopóló kisipa mutu, kae beteró betere so whita, Kótóné ama ke bole ɔla wisipóló tuɛ yóo, dɛ ɔpaae tuɛ tiki tiró betere so whi tao sóró eraterere mo kae bole fotokókélé kisipa yóo, yópoló momarótu beterapó. ²⁰ Ti ai fotokɔta, Yesu Keriso mo ti sukɔletei Kótóné ama

momó kepaaróló beteriale doasi fotokọ kaae ai ape. Ẹ atéré kepaaróló, hepen be ere tikimó ama turu naase ẹmó beterialepó. ²¹ Ẹ beteriale tikita, ẹteróló kaae tare alakélé, ama ẹteróló kaae tare tuámó me whịpaae ẹteróló kaae tawae yóló, sóró beterate alakélé, doasi fotokọ bole alakélé, doasi hae kwia ẹteróló kaae tare alakélé, mió i alimókélé, take betaaire alimókélé, doasi doi matere alarape fea Yesu Kerisoné ama doi mole alané ẹteróló mo ti teraae falapó. ²² Fea ala feata, Kótóné Yesu Kerisoné ẹteróló kaae tare aqmó beterepóló eróo, ama so whịró atima tao sóró eraterere alatamo fea amatóro ẹteróló kaae tanópóló topo whị sóró beterepóló yalepó. ²³ Ai so whịta, mo ama tikitóro daaleteiné fea ala du betere tuapaaekélé, kae kae ere ala tuapaaekélé, ama tikimó ere alatóro f̄ayóló s̄uró beterepóló.

2

D̄ Yesu Kerisotamo kepaaróló beteriale fo

¹ Ti take Kótóné yóló muló betere fo diaaq tukóló du betale dowi ala tuámó sukóló molepó. ² Take dīta, i haemó mole kae kae du betere ala sya fóló yóo, tó s̄a tuámó t̄e mole tiki ẹteróló kaae tare kepené dere ala sya fóo du betalepó. Ai kepeta, miókélé Kótóné fo tikitu betere so whị tuámó bitu, ama kisipa mole alatóro erópóló du beterepóló. ³ Take d̄akélé fea ai ala du betere so whịtamo bitu, tó tikiné ek̄leyóló dowi ala yó tarepó. Atéturaalu, tó tikiné yaai h̄kesetere alaró mo hae whịné mole tuétamo maaté sya fu betalepó. Atétu, so

whi mo whiné detu dere kaae, ðakélé atéreteiné Kótó ą fopaae butu melaaire kwia senére so whi beterepó. ⁴⁻⁵ Ðané yale dowi alané ða sukóló mupatei, Kótó ą tuámó kọlené sukutere ala mo ẹanuraalu, ama ðapaae mo doasi yaala sókó faleteiné, Kótóné so whi ẹteróló kaae tare whi Kerisotamo ðakélé kepaaróló beteralepó. Até yale alata, amatei ði ẹ ẹle hamokoróló tao salepó. ⁶ Ða atéro, Yesu Keriso tuámó betereiteiné Kótóné ą kepaaróturaalu, ðakélé ẹtamo betámó kepaaróló, Kótóné ama ẹteróló kaae tare tiki hepen-mó Yesu Keriso sóró beteroóturaalu, ðakélé ẹtamo betámó beteralepó. ⁷ Ti aita ẹle mei, ða fea Yesu Keriso tuámó betereiteiné nalo bitiré faaire alimó Kótóné ðapaae yaala sókó furaalu, ama ẹle hamokoróló tao salepó. Ai ala tuámó mo doasi ke boletei yó maté fu betepa ðané kolóló kisipa yópóló erapó. ⁸ Ti noatepae, diaaọ tuẹ tiki tiró betere ala kilituraalu, Kótóné ama ẹle hamokoróló ði tao salepó. Ti ðiáneitei ði tao sere ala ini, Kótóné ama tao sere ala ðiamó ẹle malepó. ⁹ Ti aita, noa betené meipó. Me whiné ama erale wisi alané yalepóló, bopé fake yaqsóro yalepó. ¹⁰ Ða Yesu Keriso tuámó betepa, Kótóné ama fosó fosói kisipané ða kisi whi aleróló beteralepó. Atére beteta, Kótóné ama yaai kisipa mole ala wisi ðané erópóló, mo taketitei taleróló munélipakalepó.

Keriso tuámó mo betẹ faketóro aleró beterapó

¹¹ Térapa, take ði Juda meire fake deóló betepa, tiki sekaẹ tukóló siriró beterapó du betere whirapené duraalu, ðata tiki sekaẹ tikipatei, ði

tikinipóló só deróló erótu betere fo diaaḡ ai i kisi-
pare ape. Ti tiki sekaḡ tukóló sirirótu betere alata,
mo wh̄iné naasenétei erótu beterapó. ¹² Diḡ atéró
betale sukamó Yesu Kerisotamo betamó bitini,
kae betale ala kisipa muae. Israel hae talerapené
diḡ atimatamo touné waḡsóró sesétepa, diḡ wale
so wh̄itoró bitu, Kótóné ama so wh̄i tao suraalu,
eraalopó ere ala wisi senére so wh̄i bitinipó. Diḡ
atéró bitu, take waaire be demó ḡapaae i ala
wisi mo eraalopóló tuékélé muni yóo, i haemó
bituraalu Kótóné ḡa teteróló kaae tarapó tuékélé
muni yóo, ereitei diaaḡ kisipa muae. ¹³ Ti taketa,
diḡ mo tika kae betaleteti, ama faḡkené dupuyóló
dapesó wóló, Kótó betere felekemó Yesu Keriso-
tamo betamó beteralépó.

¹⁴ Ti Yesu Keriso aḡa, hosaa muni deyóló dua
betere bete Tale ereiteiné so wh̄i tekeyóló fake
tamo betepa, bóe amatei firóló mo betḡ faketóró
beteralépó. Téturaalu, ai fake tamo tuamó ere
satale fisikóló taae faralépó. ¹⁵ Atéró fisikaleteita,
ama tikimó erale alané kale tukóló muló betere
fokélé, ai fo tuamó mole forapekélé, etéró yae
dere forapekélé fea tokóló aluralépó. Ama yaai
kisipa mole alata ai tamo fake a tuamó mo betḡ
wh̄itoró aleróló, bóe mo ti firaai yalépó. ¹⁶ Ai
kale betḡ tiki tuamó fake tamo wusuró betepa,
ama filipaa ni tómó erale alané Kótótamo bóe du
betaleteti, touróló betamó beteróo, kale fake tamo
du betale bóekélé kemeróo yalépó. ¹⁷ Atéró a
wóló, diḡ saletómó betó mole so wh̄iró, felekemó
betó mole so wh̄itamopaae bóe dele ala taaróló,
dua betae yalépó. ¹⁸ Ti noatepae, ḡa fakeró

diã faketa mo fea touyóló Yesu Keriso tuãmótóró bitu, Alima beterepaae sókó faaire alata, Dęi Kepe Wisiné betã fotokõratepa fenérápó.

¹⁹ Ti taketa diã kelepaa kilini, wale so whi betaleteti, mió diã Kótóné so whıtamo touyóló be taletóró alée fóló, mo ama naale senaale beterepápó. ²⁰ Kótóné ama naale senaale betere beta, hãle hae tómó tęnipó. Ai be diriyóló daalópóló, mo diri eleké biliyóló, ai tómó be tętu dere kaae, *aposel* whıraperó Kótóné ama fo eratere kóló whırapetamo ti be iru eleké kaae deyóo, Yesu Keriso ęta, mo doasi hulua yapo eleké kaae deyóo, erápó. ²¹ Be tętere ęla ęla fea hulua elekémó beleróló be diriyóló daalatu dere kaae, Talené ama yale alané dã fea ę tuãmó touróló bitu, ama mo kae tęne momatere be daalópóló tęté hutu beterepápó. ²² Atétu dere kaae, diãkéle fea ę tuãmó betereteiné Kótó ę betaaire be wisi daalópóló tęté hutu beterepápó. Atéró tętere bemó Dęi Kepe Wisi betereteiné Kótó ę beterepápó.

3

Pol Juda meire fake tuãmó kale fo wisi yó mótu betale ala

¹ Atéreteiné ęta, diã Juda meire fake so whıpaae Yesu Kerisoné fo wosópóló, erótu betepa *dípula* sóró beteró betere whi Pol-né dapó.

² Kótóné ama hãle hamokoróló tao sere ala diã feané tuę yópóló, ępaae tęteróló kaae tawae depa, kaae tarapó dere fo diãné wosetu yalepó.

³ Kótóné ama diã feapaae mo eraalopó yóló mulale ala take so whi feané kolóló tuëni, kinóló moletei Kótóné epaae hãkearóló yó matepa, diãpaae sawa hãlekeróló ai aseýalepó. ⁴ Atéyalepa, yało i dere fo diãné dosqaturaalu, Kótóné ama so whi teteróló kaae tare whi Kerisoné yale ala kinóló mole bete yało tuëre kaae, diãnekélé tuë yaasepóló dapó. ⁵ Ti ai beteta, mió Dëi Kepe Wisiné Kótóné ama kae beteró betere *apospel* whiraperó Kótóné ama fo eratere kóló whirapetamopaae yó male kaae, mo take bitiré wale whirapepaae hãkearóló yó menipó. ⁶ Ti ai kinóló mole ala i ape. Juda meire fake so whiné kale mió wosetere kisi fo wisi wosóló, Yesu Keriso tuãmó betepa, Kótóné ama Israel so whipaae melaalopóló tukóló muló betere ɔla, Juda meire fake so whinékelé sóo, diã ai Juda faketamo betã tikitóro daayóló betóo ereteiné, atimapaae eraalopóló muló betere ala diãpaaekélé eratepa sóo yaalo ai ape.

⁷ Kótóné ama bole fotokɔ hãkearóturaalu, ama hamokoróló tao sere ala epaae hãle melalepó. Atéreteiné mió kale wosetere kisi fo wisi yało yó melópoló, ɛ ama kutó diratere whi sóro beteralepó. ⁸ Mepaae Kótóné so whi betó mupatei ɛ betã doi muni, mo belei sókótei betepa, Kótóné ama hãle hamokoróló tao sere ala eróturaalu, epaae i kutó dirae yóló melalepó. Ai melale kutóta, Juda meire fake so whipaae Yesu Keriso tuãmó mole mo doasi ke bole ala wisi turó yó melópoló ɛ sóro beteralepó. ⁹ Tétu, i haeró yó mole ɔla ɔlatamo kaarale Kótó tuãmó, take bitiré

wale alimó kilini kinó betere ala bete mió so whĭ feané tuę yópoló, ępaae kaae tawae yóló ę sóró beteralepó. ¹⁰ Ama yaai kisipa mole alata etérópó. Mió ama fake so whĭ tuámó erótu betere alané hepen ere tikimó betó mole tęteróló kaae tare keperó fea ala tęteróló kaae tanópoló male fotokótamoné Kótóné ama kae kae ere fosó fosói ala haķearatepa tuę yópoló erapó. ¹¹ Atéyaleteita, mo taketi Kótóné ama eraalopóló tukóló munélipakale ala dę tęteróló kaae tare whĭ Yesu Keriso tuępaae erale alané dokonó beterapó. ¹² Atéro ę tuámó bituraalu, ępaae kisipa tiki tiró betereiteiné Kótó beterepaae faaire tu mené sesénipa, halaainé fó betę yae. ¹³ Térapa, dię tao su betere alamó ępaae i erótu betere seķęi alarape kilituraalu, dię fomo yóló haepaae derepaęse. Ti noatepae, ama kae ere dę wisinaale dięné mo saaireiteiné ai seķęi alarape erótu beterapó.

Efesus so whĭmó mamarale fo

¹⁴⁻¹⁵ Aya Kótóné ama ai doasi wisi ala eró betereiteiné ę bukutiri teęró bitu, dięmó momarótu i betere ape. Ti ó hepen bemó betere naale senaaleró, i haemó betere naale senaale-tamo feané Aya ę betę beterapó. ¹⁶ Atére Aya betere felekemó bukutiri teęró bitu, momatu betereitei i ape. Mo kae ere ala wisinaale ę tuámó faanuraalu, dięné kepe bete tuępaae ama Dęi Kepe Wisiné fotokę bulópoló momarótu beterapó. ¹⁷ Atétereiteita hęle meipó. Dię ępaae tuę tiki tiró betepa, Yesu Keriso ę dięné hosaa tuámó beterópoló kisipa mutu dapó. ę atéro

betepa, ni feleke haepaae doropóló diriyóló daatu dere kaae, diã Kótóné ama yaala sókó fole ala tuámó beterópóló dapó. ¹⁸ Diaró Kótóné wisiróló kae beteró betere so whıtamo fea ama bulatere fotokóné Kerisoné dąpaae doasi yaala sókó fole ala mo turó diriyóló tuę yópóló dapó. ¹⁹ Ti ai yaala sókó fole bete turó dą mo whıne tuęnitei diaaę tuénekélé, hosaa tuámókélé mo diriyóló tuę duraalu asa yópóló dapó. Até duraalu, Kótó ą tuámó fąayóló sųre kaae, diã tuámókélé fąayóló sųrópóló momarótu beterapó.

²⁰ Ti dą tuámó ama erótu betere fotokónétei, dąné kisipané eranée dere alaró moma duraalu wosetere alatamo ama sųmó eranérápó. ²¹ ą atei kaae whı betereleiné, dą Yesu Keriso tuámó ama fake so whı bitu, ama doi wisinaale mió i alimókélé, take betaaire alimókélé, hale sóró horaté fu beterópóló yae. Mo kée! Táyópóló yae!

4

Yesutamo olekeyóló mo betą tikitóro daale ala

¹ ęta, Talené ala erótu beteremó *dipula* beter-atepa bitu, yalo diąpaae ma fo i dapa wosae. Di-aaę du betale ala taaróló, Talené ą beterepaae ape depa wóló, ama so whıtóro betepa wisi ala betą erótu betae. ² Talené ama tęteróló kaae tare aqmó bitu bopé faketera ala ini, ama eraai kisiapa mole ala erópóló, naaotei yą tęteróló mo dua betae. Téturaalu, naao no netamo naameyóló dua bitu, me hąsóké fole ala ó me sekęi ala eratepa hapale tokó meni, mo dua kaae taté fu betae. ³ Téturaalu, kale Dęi Kepe Wisiné dią Keriso so whı fea mo

betã kisipatoró mulóló beteró beteretei, diãné doróló fake tekeyaõse. Aténi, hosaa muni deyóló mo dua betere alané diã fea dokóló mo betã faketóro beterópóló yae. ⁴ Diãpaae eraalopó yale wisi ala saai ape depa yale haõta, mo betã haõtoró mulure kaae, ðã fea mo betã tikitóro daayóo, Ðei Kepe wisikélé betãtoró betóo erapó. ⁵ Atéru, ðã tãteróló kaae tare Tale betãtoró betepa, õpaae tuõ tiki tiratere alakélé, ama doimó wõ tóputere alakélé, mo betãtoró erapó. ⁶ Ðã tãteróló kaae tare Kótóta, betãtoró betepa ðã fea ama naale senaale beterapó. Atéru, fea ala amatóro tãteróló kaae tawóo, mo take bitiré wale alimókélé, mió i alimókélé, take nalo waaire alimókélé, deté fu betere ala fea õ tuãmótóro yóo, mepaae ere ala tuãmókélé õtoró betóo, erapó. ⁷ Atépatei, Yesu Kerisoné ama kisipa mole ala sya furaalu, ama hamokoróló haõle tao sere ala ðã feamó dokoróló melalepó. ⁸ Atére betené Kótóné i fo aseýóló muló beterapó.

“A kepaayóló mo ópaae huturaalu, wae sóro ama kutó diratere whõrape naase tamo dokóló dapesó furaalu, mepaae wisi wisi õla ama fake whõrape õliróló melalepó,” erapó.

⁹ Ti õ “Ópaae holalepó” dere fo noa betené dérópóló, diã kóló kóló yaõsóró i dapa wosae. “Ópaae holalepó” dere fota, folosóro õ mo haepaae derepelepó. ¹⁰ Atéro, kepaayóló momó ópaae huturaalu, fea tiki õtoró sýróló, hepen be-rapekélé tãteróló, mo ó taoró beterale sekéta me kae mei, kale hae aõpaae derepele whõ õtorótipó.

¹¹ Atéturaalu, ai sekéné amatóro i kutórape

taleróló malepó. Mepaae wh̄irape ama fo erāle fópóló *apose*l doi melóló sóró beteróo, mepaae so wh̄i Kótóné ama fo eratere kóló wh̄i sóró beteróo, mepaae so wh̄i ti Kótóné fo wosenire so wh̄i yó melópóló sóró beteróo, mepaae ti Kótóné so wh̄i t̄eteróló kaae tare *pasta* wh̄i sóró beteróo, mepaae ti kale fo wisi yó matere wh̄i sóró beteróo, erapó. ¹² Atéyaletaita, Kótóné ama so wh̄iné mepaae so wh̄ipaae eraaire wisi ala etéro yae yóló yó maté fu beterópóló, yalepó. Atétere alané ama so wh̄i Kerisoné tikitóro daayóló mo dirii so wh̄i beteraté fenérapó. ¹³ Atétu, d̄a fea Talepaae tūe tiki tiró betóo, Kótóné naalema etei kaae wh̄ipóló bete mole fo diriyóló kisipa yóo duraalu, mo bet̄a fake alée fóló mo dirii so wh̄i betaalopó. Atéro bitiré furaalu, Keriso ̄a me ala ̄aȳani mo turó ̄añane wh̄i wisinaale biture kaae, d̄akélé até yaalopó.

¹⁴ Atéro dirire wh̄i betereteimó, keteirapené dere ala kaae d̄a momó kae yaalo meipó. Beséro w̄ei asyatamoné ni tiki upaae só fu, ipaae só wou dere kaae, u fo wosene i fo wosene yaalomeipó. Ti mepaae wh̄irapené dowi ala yaai mole kisipa u tūapaae hiró bitu, h̄ale tómó so wh̄i dilikóló, kae kae yó matere fomó kisipa tiraalo meipó. ¹⁵ Aténi, yaala sókó fóló mo bete mole fotóro duraalu, d̄a t̄eteróló kaae tare Topo wh̄i Yesu Keriso tūamó doaté horóló, d̄ané kae kae dere alakélé, fea ama dere alatamotóro s̄yaaalopó. ¹⁶ ̄A atéro betereteiné, ̄a tūamó bole fotok̄oné wh̄iné tiki feleke diritamo olekere kaae, d̄a fea mo bet̄a tikitóro daayóló beterapó. Atéru, Talené

dãpaae diyae yale kutó dirótu betepa, ti dã yaala sókó fole tuãmó doa deté faalopó.

Talené dẽné deyóló beteró betere naale senaale kaae betere ala

¹⁷ Térãpa, dã fea Tale tuãmó bituraalu, yãlo i dere ma fo sya fóló mó erae. Kótóné fo woseni hãle betere so whĩ atima wisi ala yaaire kisiipa muniru hõko betere kaae, diãkélé ai ala momó kae yaõse. ¹⁸ Atima hosaa tãruraalu, wisi tuékkélé munireteiné tikikélé dilikiyóló Kótóné mo ti betere ala tuãmó bitini, tika kae beterapó. ¹⁹ Atéró, dowi alané hosaa tóruró betereiteiné, atima dere dowi ala taalaaire kisiipa muni, tó tikiné feléyóló yaaire ala betã hãle yó tarapó. Ai ala tómó mepaae kae kae sonaalei alakélé hãle yó taté fu beterapó. ²⁰ Tépatéi, diã Yesu Keriso kisiipa deté waleteita, atimané du betale ala sya fóló yale tikimó inipó. ²¹ Yesu Kerisoné mo bete mole fotóró mené depa diaaõ wosóo, ã tuãmó betepa mené diãpaae yó melóo, yale fo diãné wosetu yalepó.

²² Take diãné du betale alamó tué mutu- raalu, atimané diãpaae yó malepó. Tó tikiné diã dilikitepa ekẽleyóló du betale alané diaaõ kãlaaretei tiki derãakele kuti kaae sokóló taae falae. ²³⁻²⁴ Téturaalu, diaaõ tué tiki kae muóló, kisi kuti derótu dere kaae, kisi whĩ derae. Ti ai kisi whĩta, Kótó tuãmó mo donoi alaró kae ere dẽ wisinaaletamo fãanure kaae yóló beterõpóló, kaaró beterapó.

²⁵ Atérãpa, ai du betere kapala alarape mo ti taaróló, diaaõ be whĩ so whĩpaae diã dokõ feané

mo alatóró erótu betae. Ti noatepae, hóró naasetamo tikimó botokó wóló, betá tikitóro daalure kaae, dā Keriso so whi fea touróturaalu, mo betá tikitóro beterapó. ²⁶ “Yá fopaae buturaalu, dowi ala yaqse,” Naao me whitamó atéro butere fopaae hāle bupatei, be dē hāle kemeyaqsóro yae. ²⁷ Téturaalu, diaaq betere ala tuāpaae Satan-né ama tué mole ala eraqsóro tē mulaqse. ²⁸ Mepaae qlémi nuku betale whirape ai ala mo taaróló, atima naasenétóro kutó kae dióló q̄la nópóló yae. Atéro ditere kutómó botokotere q̄la mepaae yaḡaḡa dere so whimó melóppóló yae.

²⁹ Diāné dere foné mepaae whi doraqsóro naao dere fo woseturaalu, ā tuāmó mole sekē ó yaḡaḡa ala wisiraaire fo betátóro yae. Diāné tamó ai ala depa, ti ai fo wosetere so whikélé tao senérápó. ³⁰ Take Kótóné diā dupuróló beteró betereteita, ópaae dapesó holaalopóló tué muópóló, me q̄la seperótu dere kaae, Kótóné diā ama so whipóló dāle mulóturaalu, ama Dēi Kepe Wisi diā tuāmó beteró beterapó. Atérapa, diāné du betere alané Dēi Kepe Wisi dekené sukutu sekē yaqsóro yae. ³¹ Tēni, dei fomaake kisipa mutere alakélé, hapale fopaae buturaalu dere alakélé, mo hāle fopaae butere alakélé, hōle suraalu fo faketerere alakélé, eraterere fokélé, mepaae so whipaae kae kae dei kisipa mutere alakélé, fea taalae. ³² Téturaalu, wisi tué betá muóló, wisi alatóró eróo, kōlené sukutu u tao su i tao su yóo, du betae. Atéturaalu, diā Yesu Keriso tuāmó betepa, Kótóné diaaq yale dowi ala kwia kemerótu yale kaae, diāpaae dowi ala eraterere whiné kwiakélé hāle kemerae.

5

¹ Dɔta, Aya Kótóné ama hosaa turó muóló, yaala sókó fale naale senaale betereleiné ama dere alatóro dɔné sɔróló enérápó. ² Ti noatepae, felé kɛlaa wisi Kótó beterepaae fɔpóló simó sukɔlaa dalatu dere kaae, Yesu Kerisoné dɔpaae yaala furaalu, ama betere bete hɛle melóló sukɔlepó. Atéreteiné dɔ yaala sókó fole ala tuɔmó bitu, dɔné ne nopaaekélé atéro yaala sókó fu betenérápó.

³ Tétu, diɔ Keriso fake so whɛ tuɔmó nópu nokole ala ó, mepaae hɔko alatamó hosekéróló du betere ala ó me ɔla wisi dekéro senée yóló, ekɛle dere ala mo yaɔse. Ti noatepae, ai alarapeta, Kótóné ama kae betero betere so whɛné yaaire ala meipó. ⁴ Ai dosɔayale alarape mepaae i ape. Nópu naai kisipa mutu, hɛle mulatere alakélé, tuɛ tekeyóló ini, hɛle hɔko dere fokélé, so whɛ tekanóló dɔ nalatere fokélé, momókó yaɔse. Ti noatepae, aita dɔné enénire alapa, Kótópaae mo kée fɔ betɔ du betae. ⁵ I fota, mo dapa diriyóló wosae. Nópu nokole so whɛkélé, kae kae dowi ala hosekéro du betere so whɛkélé, néli whɛ betaairaalu wisi wisi ɔla dekéro senée dere so whɛkélé, Yesu Kerisoró Kótótamoné tɛteróló kaae tare aɔmó mole wisi wisi ala mo saalomeipó. Ai dosɔayale alarape yó tare so whɛta, Kótó aɔmó sukóló bitu, ama doi hale sóro horéni, ai alarape aɔmó betó moleteiné, ai ɔla ɔlarape ti atimané Kótó aleró beterápó. ⁶ Térapa, mepaae whɛné bete muni hɛle fɔ duraalu, diɔ dilikaɔsóró yae. Ti noatepae, atei kaae ala deremó, Kótó ɔ fopaae buturaalu, ama fɔ tukóló ai ala du betere so whɛpaae kwia mótu beterápó. ⁷ Térapa, diɔkélé

atimané ai du betere ala yaqsóro betámó touyóló bitu, mepaae dere ala momókó yaqse.

⁸ Ti taketa, diã diliki tuãmó betaleteti, taaróló mió Talené ama ere dę tuãmó ai beterapa, ai dęné deyóló beteró betere naale senaletóro betae. ⁹ Ti noatepae, wisi niné du wisi oletu dere kaae, dã dę tuãmó betepa, ti ai dęné du olerótu betaalo ai ape. Kae kae wisi ala eratereteikélé, me ala muni, mo donotóro dere alakélé, kapala fo mei motóro dere fokélé, fea ti dęné dutóro ai ape.

¹⁰ Téturaalu, diãné dere alamó Kótó ą hękese yaaire ala démóló, diaaqtei kaae kolóló tuę yae.

¹¹ Tétu, diliki tuãmó betere so whırapené du betere alata, du wisi oletumipa atima beterepaae feni, atimané kikiti hiróló du betere alatei so whı feané kolóló tuę yópóló hękearae. ¹² Ti noatepae, Kótóné fo tikitu betere so whı tuãmó kikiti hiróló du betere ala mené teraatapa haletóro yaalopó.

¹³ Tétu betepatei, ai hiróló du betere ala fea dęné hękearatepa, so whıné kelenérápó. ¹⁴ Ti dęnéta, fea ęla fea kolópóló dęrótu beterápó. Atére betené i fo dapó.

“Diã noke fire so whırape-ó, diã sukóló moleteti kepaayóló betepa, ti Yesu Kerisoné diãpaae dęraalo ai ape,” dua dapó.

¹⁵ Térapa, diã kisipa okokore whı kaae hęko bitini, kisipa dotoróę fóló mole whı biture kaae, mo hotowaró betae. ¹⁶ Mió dãta, dowi ala du betere alimó i beterapa, Kótóné ama wisi ala eraaire tę mupa, ti ai be dę dokę fea eraté fu betae. ¹⁷ Atéturaalu, kisipa tiki okoko yóló hęko bitini, Talené ama kisipa mole ala betã kaae

kolóló tuę muae. ¹⁸ Topo doyaai kisipa mutu *wain* wẹi mo dekeró naqse. Atéro topo doturaalu, so whị feané keletómó kae kae sonaalei dowi ala kaaratapó. Atei ala ini, Dẹi Kepe Wisi diạ tuamó fạanq́póló yae. ¹⁹ Atéro bituraalu, Kótóné *buk*-mó aseýóló muló betere wole fokélé yóo, mió betere so whị feané tuęre wole fokélé yóo, mepaae so whịpaae Dẹi Kepe Wisiné yó matere wole fokélé yóo duraalu, u yó mótu i mótu du betae. Atéro, dere wole fo diaaq kqlónékélé, mo hosaa tuamókélé hajtamo Talepaae feléi wole fo du betae. ²⁰ Betere dokq fea du betere alamó, da tẹteróló kaae tare whị Yesu Kerisoné doimó Alima Kótópaae mo kée! du betae. ²¹ Ti Yesu Keriso ąta, doasi doi mole whị beterapóló wituraalu, diąsisi me whị aqmó bitu dere fo u wosetu i wosetu du betae.

Dokore so whịpaae dere ma fo

²² Tẹrapa, whịné dokore sorape-ó, diạ da tẹteróló kaae tare Tale aqmó sukóló biture kaae, diaaq whị aqmó betae. ²³ Ti noatepae, Yesu Kerisoné ama fake so whịta, ama tikitóro betepa, ą topo bituraalu, atima aluyaqsóro tao su betere whị biture kaae, whị ama soné topo beterapó. ²⁴ Atẹrapa, Yesu Kerisoné ama fake so whị ą aqmó sukóló biture kaae, whịné dokore sorape diạ fea ala duraalu, diaaq whị aqmó bitu depa mo wisirapó.

²⁵ Diạ so dokore whịrape-ó, Yesu Kerisoné ama fake so whịpaae yaala sókó furaalu, ama betere bete mótu yale kaae, diąné sopaae yaala sókó fóló, wisi ala erótu betae. ²⁶ ą atéro sukąleteita

håle mei, ama dokaaire so ama fonétei wẹi tópuróló fokale tikimó me dowi alakélé muni, mo kae so beteralepó. ²⁷ Atétu, ama so me dowi alakélé muni, ama ere dẹné kelaalo mo kokọre so beteřópóló du beterařópó. ²⁸ Atére kaae, so dokore whįrape diąné tiki wisiyóló kaae taru dere kaae, diąné so wisiyóló kaae taruraalu, yaala sókó fu betae. Mepaae whįné somapaae yaala sókó fóló, wisi alatamo erótu betepa, ti amatei ą yaala sókó fu beterařópó. ²⁹ Whį betąnékélé ama tiki hۆróló bóe dele ala dumi, wotetepa ọla nóo, me ala yaqsóro amatei hotowayóló kaae tawóo dere ala so whį feané du beterařópó. Atétu dere kaae, Yesu Kerisoné fake so whį amatóro mo wisiyóló kaae tarapó. ³⁰ Ti noatepae, dąta ama tikitóro betereiteiné ama wisiyóló kaae tarapó. ³¹ Atére betené i fo aseyóló muló beterařópó.

“Whįné ama hama alima taaróló sotamo dokotepa, ti atimaamo mo betą tikitóro daayóló betaalopó,” erapó.

³² I dere fo beteta tómo muni, mo apaae derepalapó. Tépateti, ọlo i dere fo Yesu Kerisoró ama fake so whįtamo tuę muturaalu dapó.

³³ Ti mo deretei, dią so dokore whį fea diaaętei diąné tiki yaala sókó fu dere kaae, diąné sokélé wisiyóló kaae taru yaala sókó fóo, sorape diąkélé diaaę whį aqmó bitu, wisi ala eróo du betae.

6

Hae ayaró naale senaaletamopaae dere ma fo

¹ Naale senaale-ó, dią Talené ere fo sya fóló diaaę hae ayané dere fo mo betą wosóló erótu

betae. Ti aita mo dono ala dapó. ² Diaaꝓ hae aya wisi doi mulóꝓóló, diꝓané wisi alatóró du betae. Ai tukóló muló betere forape kaae sóró dosꝓaté wapa, Talené diꝓapaae wisi ala eraalopó ere foró tukóló muló betere fotamo sꝓuru folosóró mulapó.

³ Diꝓané hae aya aꝓmó betae yóló muló betere fotamo sya fóló erótu betepa,
 “Ti diꝓ i haemó fꝓlo sukamó bitiré fóló, mo wisi alatóró deté fu betaalopó,” erapó.

⁴ Diꝓ naale senaale ali-ó, diaaꝓ naale senaale atima fopaae buóꝓóló hasekꝓai ala eraꝓse. Aténi, atima Talené fo tuꝓmó doayóló naale senaale wisi beteróꝓóló, ama fo etéro eraalopóló, ma fotamo dua yó maté fu betae.

Tęteróló kaae tare whꝓraperó wae sóró kutó diratere whꝓrapetamopaae ere fo

⁵ Diꝓ wae sóró kutó diratere whꝓrape-ó, diꝓ Yesu Kerisoné dere fo wosóló, ꝓ aꝓmó biture kaae, i haemó diꝓ tęteróló kaae tare whꝓrape kilitu wiyóló aꝓmó betae. Atétu, atimané yae dere fo wosóló wisi kisipatamo erótu betae.

⁶ Atétu, diꝓ wae sóró kaae tare whꝓrapené diꝓ whꝓ wisipóló dukiróꝓóló, atimané keletómó maaté kutó hatepaa yóló dini, atima alupakélé ó betepakélé, betꝓ alatóró yae. Ti Yesu Kerisoné wae sóró kutó diratere whꝓ kaae bitu, Kótóné ama kiswa mole ala eróturaalu, diaaꝓ hosaa tuꝓmó ketekę buóló dirótu betae. ⁷ Atéturaalu, ita mo whꝓné kutóꝓóló tuę muni, Talené kutóꝓóló tuę mutu, diaaꝓ hosaa turóné ketekętamó dirótu betae. ⁸ Ti noatepaae, wae sóró kutó diratere whꝓ ó hꝓle mo betere whꝓ noa kaae wisi ala ó wisi kutó

dirélimó, ti alamó Talené dupu melaalopó ere fo diaaḡ wosóló ai kisipare ape.

⁹ Tęteróló kaae tare whırape diąkélé, atimapaee i yae dere ala kaaetóro duraalu, diaaḡ kutó diratere whırapepaee mo wisi ala erae. Atimapaee dią i kutó wisiyóló dirénitepa, diąpaee i kaae sekęi ala eraalopó wiréli fo yaḡse. Atimakélé diąkélé, fea tęteróló kaae tare Tale ó hepen bemó beteretei, diaaḡ ai kisipare ape. Ti ai sekęta, mepaae so whıpaee wisi ala eróo, mepaae so whıpaemo hoḡo ala eróo dere Tale bitini, mo betą kaae alatóro eratere Talepó.

*Kótóné dąmó matere boé dele ęla waseró sepa-
ketamo tawae*

¹⁰ Yąlo mo kemeróturaalu dere fo i ape. Dią Tale tuąmó bitu, ama bole fotokḡ sóro betae. ¹¹ Satané ama yaai kisipa mole dowi ala eraḡsóro seséturaalu, bóe dępóló Kótóné matere ęla ęla taaréni, mo fea deróló siki siki yóló daayae. ¹² Ti ai bóe dele alata, mo wutiró dikitamo sóro mo so whıtamo bóe dae yóló dumipó. Dąné bóe dele alata, i haemó diliki tuąmó dere ala tęteróló kaae tare topo keperapetamokélé, atima doasiné i ala yae yóló, sóro beteró betere keperapetamokélé, kae kae fotokḡ bole keperapetamokélé bóe dóo, tó są tuąmó hepen kaae ere tikimó betó mulu, dowi ala eraai doasi fotokḡ butu betere keperapetamokélé, bóe dóo du beterapóló dapó. ¹³ Tęrapa, bóe whıné dowi ala eraaire be dę wapa, dią daale tiki taaróló botokó feni, bóe whıné yąle dią tikimó sene waḡsóro sesé yaaire ęla ęla fea, Kótóné diąmó melaletei deróló betae.

Atéru, bóe whị wọpóló siki siki yóló, kaae tawóló daayae. ¹⁴ Atéro fotokọ buóló daalu, mo fo ti to kaae sóo, bóe whịné yàle bopémó saqsóro, bóe wase dakerótu dere kaae, Kótóné dą melale donoi ala bopémó dakeróo, Talené ala erąle faairaalu, kale kisi fo wisi hęleke be kaae horóo, mo so whịró Kótótamo bóe firóló, hosaa muni deyóló mo dua beterate fo wisi dąné hosaa tuąmó mulóo epa, dią siki siki yóló betenérápó. ¹⁵⁻¹⁶ Ai alarapetamo touróturaalu i alakélé yae. Dowi kepené dą siritu betere si dokole yalené dą tikimó saqsóro sesé dere bóe waseta, tuę tiki tiratere alapa, ai ala wase kaae fosókó tawóló daayae. ¹⁷ Kótóné dą aluyaqsóro tao sere alata, bóe daai derótua dere topo tao kaae deróo, kale Dęi Kepe Wisiné fosóratere sepake tawóló daayóo yae. Ai sepaketa, ti Kótóné ama fo wisipó. ¹⁸ Atéruraalu, kale Dęi Kepe Wisiné dią fotokóratepa, betere dokọ fea kae kae dere alapaekélé, kae kae wale sekęi alamókélé, Kótópaae i ala erae yóló momakélé yó tawae. Atei kaae dere moma kutirimó mulóló tuę yó taru, dią noke kęle ini, kele diriyóló bituraalu, Kótóné kae beteró betere so whıkélé fea tao sópóló momaratere ala hąle yó tawae. ¹⁹ Atétu, kale fo wisi yąlo yó melaaire sukamó Talené ama fo bete ępaae yó melópóló ęmókélé momarae. Atétepa, ti ę halaainé daalu, kale fo wisi yó matereteiné Kótóné ama hiróló mole ala hąkearaalópó. ²⁰ Ai fo wisi yó melópóló sóro beteró betere whıtei, atima ę *sein* képiné dokóló *dipula* beteró beterápó. Ti aita, ępaae dirae yóló melale kutó erteiné ę wikélé ini, halaainé daalu

yó melaai dapa, ẹmó momarótu betae.

Kemeróturaalu kọléó dere fo

²¹ Yálo mo hosaa mole no Tikikas-ta, Talené ala erótu betere whị wisipó. Amata, yálo du betere alaró ẹ betere alatamo etérapóló, diápaae depa wosóló tuẹ yaasepóló, ẹ diá beterepaae ai dotonaterere ape. ²² Ti ẹ dotẹyaai dere beteta, ẹa betere ala diáné kisipa yóo, diá ketekẹ buópóló, ama fotokọraterere fo yóo, yópóló dotonaai dapó.

²³ Diá ai be huluamó betó mole no nerape-ó, ẹa tẹteróló kaae tare whị Yesu Kerisoró Alima Kótótamo tuámó kaayóló wale hosaa muni deyóló mo dua betere alakélé, tuẹ tiki tiraterere tuámó kaayóló wale yaala sókó fole alakélé, diá feapaae erópóló yae. ²⁴ Ẹa tẹteróló kaae tare whị Yesu Kerisopaae yaala sókó fole ala yó tare so whị feapaae Kótóné hẹle hamokoróló tao sere ala erópóló yae.

Yesu Kerisoné So Whi Tao Sere Kisi Fo Wisi
The New Testament in the Folopa Language of Papua
New Guinea

Nupela Testamen long tokples Folopa long Niugini

copyright © 2005 Wycliffe Bible Translators, Inc.

Language: Folopa

Translation by: Wycliffe Bible Translators

This translation is made available to you under the terms of the Creative Commons Attribution-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not make any derivative works that change any of the actual words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2016-09-20

PDF generated using Haiola and XeLaTeX on 11 Nov 2022 from source files dated 9 Oct 2020

4e9b4b04-0b47-5583-9c4d-fb82cfdd65c2